



ATASSUT

UKA15/44

Páninguak M. Kruse

21.10.2015

Kalaallit Nunaani kræftimik eqqugaasunut sungiusaqqittarfimmik pilersitsinissamut siunnerfilinnik iliuusissanik pilersaarusiornissaanik Naalakkersuisut kingusinnerpaamik UPA 16-imi peqquneqarnissaanik siunnersuut.

(Inatsisartunut ilaasortaq Agathe Fontain, Inuit Ataqtigiit)

Siunnersuut matumani oqaluuserisassarput Inatsisartunut ilaasortaq Agathe Fontain, Inuit Ataqtigiinnersumit saqqummiunneqarpoq. Siunnersuummi pineqarpoq kræftimik eqqugaasunut sungiusaqqittarfimmik pilersitsinissamut siunnerfilinnik iliuusissanik Naalakkersuisut UPA 2016-mut pilersaarusiornissanik peqquneqarnissaat, tamannalu ima ATASSUT-mit oqaaseqarfigissavarput:

Siunnersuut siunissamut kusanartumut siunnersuutitit tingulluarnarpoq, pissutingalugu ullumikkut kræft-imik napparsimasut toqussutaasinnaasumik annertuumik peqqissarneqareernermi kingorna, aammalu katsorsarneqareernerminni, inuunermut nalinginnaasumut uteqqinnerminni, ilaasa inuuneq nalinginnaasoq uterfingalugu iluarisarpaat, ilaasali suli tassani misigissutsit atorneqartut suliassararlugit, timikkut tarnikkullu.

Taamaattumik tamanna siunertaq kusarnartuuvoq, naak nappaatit assigiinngitsut aqqusaarneqaraluarlutik, kræfti kisimi nappaammi eqqarsaatigissangaanni tamanna immikkorluinnaq siunnerfiliiniarneq pissusissamisuunngilaq. Nunarput qimallugu qiviarutta peqqissarnermi najungaqtigiittartut eqqarsaatingalugit nappaatit assigiinngitsuusarput peqqissarnermi ataatsimoorfiusut. Immikkoortitserinissamik uani siunnersuummi, orniginartinnanngilaq pissutingalugu aamma allatut toqussutaasinnaasumi napparsimasut immikkoortinneqannginnissaat pillugu. Taamaattumik una siunnersuut siunertaa aallaavingalugu aammalu nappaamik allamik eqqorneqarsimasut peqatatingalugit ataatsimut peqqissartarnissaanik siunnerfik tapersersornarpoq. Aammalu Naalakkersuisup akissuteqaataani immikkut malunginiangassaalluni, nappaamik suungaluartumilluunniit toqussutaasinnaasumik



eqqorneqarsimasut tamarmik assigiimmik pineqarlutik suliaqarfigineqartut.

Pilersaaruteqarsimanerat uani akissuteqaammi ersersinneqarportaaq. Tamanna periusissiaq nutaaq aallartittussaq qilanaaralutigu taperserparput, tassani ilaammata kræftimik eqqungaasimasut ilanngullugit nukittorsarneqarnissaannik pilersaaruteqartumi. Piginnaangorsaqiineq siunissamut pilersaarutaasoq anguniarneqartoq ilaatigut toqqissiallannarpoq, tassungalugu Agathe Fontain Inuit Ataqatigiit siunnersuutaa kakkiunneqartussanngornissaa Naalakkersuisunut iliuuserisassaatur suliaannut inassutigerusunnarpoq.

Kommuninimi piginnaangorsaqinnissamut neqerooruteqannginnerat, annertuumik nappaamik eqqungaasimasunut kalluaasuummat.

Taamaattumik suliaq ingerlanneqartoq nangittuanut qilanaaralutigu, nappaamik eqqungaasimasut piginnaangorsaqinnissaminnik qanimut sullinneqarnissaannik pilersaaruteqarnerat piaartumik ingerlalluaqqunarpoq.

Qujanaq